

ՀԱՅՈՅ ԼԵԶՈՒ

Սիրում եմ քեզ,
Հայոց լեզու,
Մայրիկիս պես
Անուշ ես դու:

Քեզնով եմ ես
Հպարտանում,
Կարդում, գրում,
Արտասանում:



ՀԱՍՄԻԿԻ ՆԱՄԱԿԸ

Իմ լավ տատի, քաղցրիկ տատի,
Կարոտել եմ քեզ շատ շատ,
Ի՞նչ կլինի՝ գիրս կարդաս,
Վեր կենաս գաս Արտաշատ:

Իմ լավ տատի, անուշ տատի,
Մեծացել եմ արդեն ես,
Դպրոց գնում, գրքեր կարդում,
Գիր եմ գրում մեծի պես:

Քո Հասմիկ

Ա

Ամպն անձրևեց առատ-առատ,
Արտը աճեց ամպից արագ,
Արտը աճեց՝ աչքն արևին,
Արմատները՝ անձրևներին:

Ն

Նկարիչ է Նաիրին,
Նայում է նոր նկարին,
Նկարել է նավաստի՝
Նման է նապաստակի: